



職方典第一千二百二十七卷

寶慶府部彙考一

寶慶府建置沿革考

府縣志合載

本府

在禹貢爲荊州域周禮職方正南曰荆其山曰衡郡距衡四百餘里皆衡山麓也春秋楚日強大公族大夫白公善始來築城戰國爲楚巫黔中地秦立昭陵縣屬長沙郡漢屬長沙國并析置都梁夫彝屬零陵郡平帝時復析昭陵置昭陽爲封邑東漢昭陵仍屬長沙

舊志誤以昭陵屬零陵今以後

漢書

正之昭陽都梁夫彝屬零陵三國吳孫皓析零陵北部置邵陵郡治昭陵并領昭陽都梁夫彝

高平隸荊州晉爲邵陵郡其縣六邵陵武岡夫彝建興邵陽高平而武岡建興析都梁宋改郡爲國齊梁陳仍爲郡隋平陳廢邵陵郡并隸長沙開皇中復改武岡爲武攸縣卽邵陽縣置建州尋改爲邵州改辰陽爲辰溪縣來屬焉唐改南梁州并復邵陽縣及省建興入武攸仍爲武岡縣貞觀中改爲邵州省邵陵縣入邵陽與武岡俱隸邵州而屬江南西道天寶改邵陽郡乾

元復改邵州五代晉改邵州爲敏州邵陽縣爲敏政縣後漢復爲邵陽縣宋仍改邵州治邵陽
熙寧五年收復梅山以其地置新化縣元豐四年以溪峒徽州置蒔竹縣俱屬邵州崇寧四年
以蒔竹之臨口寨爲臨岡縣五年別爲武岡軍領縣三武岡綏寧臨岡屬荆湖南路紹興中廢
臨岡置新寧縣仍屬武岡軍而邵州是時止領縣二邵陽新化嘉定末以沂王嗣子貴誠爲邵
州防禦使尋承大統是爲理宗改元寶慶三年十二月甲辰詔邵州升爲寶慶府元至元改寶
慶府及武岡軍俱爲路隸湖廣行省至正二十四年明太祖遣左丞相徐達率胡大海取寶慶
路克之於是靖州軍民安撫司及諸長官司皆來降繼爲元將所陷洪武元年二月楊璟遣千
戶王廷進攻茱萸灘擊走之復下其城更寶慶路武岡路俱爲府九年省武岡縣入武岡改爲
州仍領新寧隸府洪熙元年三月徙岷王國於武岡弘治甲子以州城步巡檢司置城步縣隸
府府所領州一縣四邵陽新化城步武岡州新寧

皇清順治四年開寶慶府邵陽新化二縣十五年開武岡城步新寧本府所領州一縣四仍明之舊
隸湖廣布政使司康熙三年分屬湖南布政使司

邵陽縣 附郭

秦始皇并天下爲三十六郡置邵陵縣隸長沙郡漢高帝五年以長沙郡爲國昭陵縣屬長沙國隸荆武帝元朔四年析昭陵置都梁夫彝二侯國平帝元始五年析昭陵置昭陽侯國東漢昭陵仍屬長沙獻帝建安二十年吳蜀爭荊州尋分荊州以湘水西屬蜀湘水東屬吳昭陵等縣并屬蜀三國吳析零陵北部置邵陵郡領昭陵昭陽六縣隸荊州晉世祖武帝太康元年邵陵郡領昭陽夫彝而析都梁置武岡建興二縣尋改昭陽爲邵陽隸湘州南宋改郡爲國昭陵邵陽屬邵陵國齊梁陳爲郡昭陵邵陽屬邵陵郡隋文帝開皇十年廢邵陵郡省武岡夫彝入邵陽隸潭州十年復置武攸縣卽邵陽縣置建州移治水北後數年復改邵州治邵陽十五年分天下爲四總管并揚荆益以諸王爲之邵隸荆部煬帝大業間復改邵州爲邵陵郡治縣如舊唐高祖武德間改郡爲州因改邵陵郡爲南梁州并置邵陵縣太宗貞觀二年分天下爲十道縣隨州隸江南尋改爲邵州省邵陵入邵陽屬邵州元宗開元二十二年分天下爲十五道縣隨州隸江南西道天寶間改邵州復爲邵陽郡縣仍舊肅宗乾元元年復爲邵州縣仍舊五

代晉天福間改邵州爲敏州邵陽縣爲敏政縣後漢復改敏政縣爲邵陽縣宋太祖乾德元年平湖南復改敏州爲邵州至道三年分天下爲十五路邵隸荆湖南路理宗寶慶三年十二月甲辰詔邵州潛藩陞爲寶慶府仍領邵陽新化元至元取寶慶府改府爲路縣隨路隸湖廣行省明太祖洪武元年取寶慶路邵陽縣更路爲府隸湖廣布政司

皇清順治四年八月開寶慶府縣隨府隸湖廣布政司康熙三年設藩於長沙邵陽五州邑隨府隸湖廣湖南布政司編戶二十四里

城步縣

周黔巫中地秦隸長沙郡漢都梁屬地東漢因之三國諸葛武侯征九溪蠻至此有諸葛城晉武岡縣地南北朝隋俱武岡地唐鎮五代宋俱鎮元儒林鄉屬武岡路明置城步巡檢司弘治十七年立城步縣屬寶慶府

皇清因之編戶九里半

新化縣

周楚地秦益陽地漢梅山地東漢三國俱因之晉爲高平縣隸邵陵南北朝俱因之隋隸潭州唐爲高平縣隸邵州五代爲蠻所據宋初置五寨熙寧間析梅山地爲二縣新化爲上梅山隸邵州安化爲下梅山隸潭州紹聖初遷於百石坪尋復舊元明因之屬寶慶府

皇清因之編戶二十一里

武岡州

禹貢荊州之域春秋戰國爲楚黔巫中地秦屬長沙郡漢屬零陵郡爲都梁夫彝二國三國吳屬邵陵郡晉分都梁立武岡縣治北武岡山兩峯對峙故名隋初省武岡入邵陽縣以屬潭州後置武攸縣唐仍改武岡縣以建興縣省入屬邵州建興晉置在邵陽縣境宋於縣置武岡軍崇寧五年并以蒔竹縣分置綏寧臨岡二縣隸焉屬荊州湖南路蒔竹縣宋元豐中置今靖州地綏寧今屬靖州臨岡本蒔竹之臨口卽今新寧舊志誤以武岡軍領邵陽新化蒔竹三縣今依文獻通考正之紹興中廢臨岡更置新寧縣仍屬武岡軍元至正丙子陞軍爲路領武岡綏寧新寧三縣明改路爲府仍領武岡新寧而割綏寧隸靖州洪武九年降爲州省武岡縣入

之隸寶慶府弘治十七年改州之城步巡檢司爲城步縣屬寶慶惟新寧隸州

皇清因之編戶二十八里舊里二共三十里領縣一

新寧縣

禹貢荊州之城春秋戰國屬楚秦屬長沙郡漢屬長沙國東漢爲夫彝縣地屬零陵郡隋屬邵州唐因之宋初爲時竹縣地崇寧初以時竹縣地分置臨岡縣於臨口寨屬荊湖南路紹興元年廢臨岡縣復爲寨而卽金城村置新寧縣在水頭江北屬武岡軍元仍舊屬武岡路明屬武岡州隨州隸寶慶府

皇清因之編戶七里半

寶慶府疆域圖



衡陽縣界

東安縣界

界縣浦澈



界縣寧綏

寶慶府疆域考

府縣志合載

本府

東至衡州府衡陽縣界一百二十里至衡州府二百八十里 西至靖州綏寧縣界三百二

十里至靖州四百八十里 南至永州府東安縣界一百一十里至永州府二百九十里

北至辰州府溆浦縣二百八十里至辰州府三百五十里 東南至永州府祁陽縣界一百

里 西南至廣西省全州界三百八十里 東北至長沙府湘鄉縣界一百二十里

西北至辰州府溆浦縣界一百八十里 自本府至省城一千三百里至

京師五千里 東西廣六百六十里南北袤六百三十里

邵陽縣

附郭

東至長沙府湘鄉縣界一百二十里至縣二百九十里 南至永州府祁陽縣界一百里至

縣二百里 西至武岡州界一百二十里至州二百七十里 北至新化縣界七十里至

縣一百七十里 東北至大坡嶺安化縣界一百里 東南至石灣衡陽縣界一百二十

里 西南至永州府東安縣界一百里 西北至隆回溆浦縣界二百里 自縣至省

城一千三百里至

京師五千里 東西廣二百四十里南北袤二百四十里

城步縣

東至新寧縣界五十里至縣九十里 南至廣西義寧縣界一百八十里至縣三百里

西至靖州綏寧縣界六十里至縣一百二十里 北至辰州府溆浦縣界二百五十里至縣

三百里 東南至廣西古田縣界一百八十里 東北至武岡州一百一十里 西南

至靖州長安堡二百五十里 西北至關硤堡一百里 自縣至府四百二十里 東

西廣一百一十里南北袤二百九十里

新化縣

東至長沙府湘鄉縣界一百里至縣三百里 西至辰州府溆浦縣界一百里至縣二百六

十里 南至邵陽縣界一百里至縣一百七十里 北至長沙府安化縣界八十里至縣

一百二十里 東南至邵陽縣界一百里 東北至安化縣界一百二十里 西南至

武岡州界二百里 西北至溆浦縣界二百六十里 自縣至府一百七十里 至省

陸路一千四百里至

京師四千四百里 東西廣一百九十里南北袤二百二十里

武岡州

東至邵陽縣界橫江渡一百五十里至縣二百七十里 南至全州界一百六十里至州二

百四十里 西至靖州綏寧縣浪石界三十里至縣一百五十里 北至辰州府溆浦縣

望鄉山界一百四十里至縣二百四十里 東南至新寧縣界一百里 東北至邵陽縣

界一百五十里 西南至義寧縣界五百二十里 西北至黔陽縣界四百七十里

自州至府二百七十里至

京師五千六百八十里 東西廣一百八十里南北袤三百里

新寧縣

東至東安縣黑土嶺界一百四十五里至縣一百八十里 西至武岡州花溪山界七十里

南至全州界八十里至州治一百四十里 北至武岡州壺山口界四十五里至州治九十

里 東南至東安縣一百八十里 西北至城步縣一百三十里 東北至邵陽縣二

百二十里 西南至全州西延界一百四十里 自縣至府二百二十里至省城一千六

百里至

京師五千八百八十里 東西廣二百五十里南北袤一百二十五里

形勝附

本府 邵陽縣附郭

邵州圖經東距洞庭西連五嶺

張謂記九疑北麓漾湘南滋

寇準詩溪山環郭莫窮端

侯延慶修邵州城門記湖嶺要衝

開元寺塔記接九疑之形勢據三湘之上游

輿地記勝旁連荆湘外接交廣

邵州圖志序界長沙零陵之間有唇齒輔車之勢

舊志林谷幽邃灘瀨險确

楚臺紀事襟接三湘側水扼其咽喉帶引洞庭花街連其肘腋

棠開召爽城荆曰公四望

崇於天表湖嶺檻於地軸西控巫黔東接衡岳西沅北襟湘烝南引胙土則六嶺前開奠邦則雙流後抱紫瀾綴於神灘靈標屹於砥柱肘腋兩關雄圖四塞輪蹄飛楫摩接長虹亦湖南要區也 九江孔殷資居其一邵獨有之足冠寰區龍山嵯峨高霞盤鬱山川流峙毓秀鍾靈更有桃洞爭武陵之勝曹井著投藥之奇綜其萃麗更僕難窮

城步縣

城步書舍記東鄰荆湘南通廣桂西接古徼北界大水

書院記四山如屏層環疊拱一水漣漪橫練如帶

郡志江水抱城潏廻百折危峯疊岫放奇獻異

瞿九思縣志序東有黔峯欄牛之防西有馬鞍大水之固南有陽峒山谿之險北有赤水石井之饒固用武之國也

儒林舊院敷文德以綏來巡司要區奮武衛以彈壓鞭長難制蠡動時聞飭戎行於節鉞勤廟筭於秉鈞乃築嚴城用據形勢南襟百粵西引三江楓門北峙金城東憑控制洞蠻勢踞扼要

新化縣

古梅山寺記地勢阻僻山林密茂

惠政記東跨長沙西亙溆浦火旗在前濱水環後

修學記山川明秀氣候清淑

梅邑舊志據荆楚之上游接衡岳之神勢界辰長武邵之間有沃壤完萃之美乃湖嶺之要區爲寶郡之名邑

東翼星沙梅封萬戶西連溆浦熊接鼎湖輦臨帝子疊接文斤火旗在前而陽明洩治資水環後而膏澤承流界辰長武邵之間有扼要憑險之勢湖稱名邑地擁要區

武岡州

柳宗元武岡銘黔山之礧巫水之礧

都梁記接軫廣西連互湖北

呂調陽記湖湘上游

宋知軍題名記屯兵峙糧控制蠻獠

學記雲山鍾靈金城萃秀又曰江山清淑

舊志山川深阻民徭雜處州城之南二水合流中乃平曠界於長沙渠陽之間湖南勝地也

都梁漢邑武岡舊軍南襟雲山北擁武嶺楓門西蔽環蓼溪洞口以作三關紫陽東廻引資流

濟水而爲天塹勢踞上游爲沅湘之屏翰地錯沃壤寔湖嶺之名區惟環境皆介於谿蠻應彈

壓時張於武備

新寧縣

夫彝舊志九疑形勢三湘上游控制溪洞彈壓百蠻